



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2013. GODINU STRANKE UDRUŽENIH NEZAVISNIH DEMOKRATA BIH

Broj: 03-07-6-361/14  
Sarajevo, 02. jul 2015. godine

## S A D R Ź A J

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS REVIZIJE .....	5
Predmet revizije .....	5
Cilj revizije.....	5
Obim revizije.....	5
4. PRETHODNE KONTROLE I REVIZIJE .....	5
5. NALAZI REVIZIJE I PREPORUKE .....	5
5.1. NALAZI.....	5
5.2. PREPORUKE .....	6

## **MIŠLJENJE REVIZORA**

Služba za reviziju finansiranja političkih stranaka izvršila je reviziju godišnjeg finansijskog izvještaja Stranke udruženih nezavisnih demokrata Bosne i Hercegovine za 2013. godinu.

Rukovodstvo stranke je odgovorno za finansijske izvještaje, postupanje u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

**Utvdili smo da Stranka udruženih nezavisnih demokrata Bosne i Hercegovine u izvještajnom periodu nije postupila u skladu sa odredbama člana 5. stav (4), člana 11. i člana 12. stav (1) i stav (3) Zakona o finansiranju političkih stranaka.**

**Prema našem mišljenju, osim navedenog, revidirani finansijski izvještaj ukazuje da je Stranka udruženih nezavisnih demokrata Bosne i Hercegovine u 2013. godini postupala u skladu sa odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Stranke udruženih nezavisnih demokrata Bosne i Hercegovine za 2013. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. stav (2) Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka udruženih nezavisnih demokrata Bosne i Hercegovine finansirala se iz sljedećih izvora:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u uk. prih. %</b>
1	Članarina	1.025,00	100,00%
2	Prilozi fizičkih lica (3-a)	0,00	0,00%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	0,00	0,00%
8	Prihodi od propagande (3-g)	0,00	0,00%
9	Ostali prihodi	0,00	0,00%
<b>I</b>	<b>Ukupni prihodi</b>	<b>1.025,00</b>	<b>100,00%</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00%</b>
<b>Izvori finansiranja (I + II)</b>		<b>1.025,00</b>	<b>100,00%</b>

U godišnjem finansijskom izvještaju Stranka udruženih nezavisnih demokrata Bosne i Hercegovine iskazala je ukupne rashode u iznosu od 3.091,47 KM.

## 2. PREDSTAVLJANJE POLITIČKE STRANKE

Naziv političke stranke je Stranka udruženih nezavisnih demokrata Bosne i Hercegovine. Skraćeni naziv stranke je SUND BIH.

Stranka je registrovana kod Općinskog suda u Tuzli broj upisa: 032-0-Reg-08-000152 od 04.03.2008. godine.

Sjedište političke stranke je u Živinicama, Zlatnih ljiljana 4.

Lice ovlašteno za zastupanje stranke je Hamdija Numanović, predsjednik stranke.

Lice ovlašteno za podnošenje finansijskih izvještaja za 2013. godinu je Zijad Numanović.

Prema podacima iz godišnjeg finansijskog izvještaja za 2013. godinu, Stranka udruženih nezavisnih demokrata Bosne i Hercegovine nema niže nivoe organizovanja.

### 3. OPIS REVIZIJE

**Predmet revizije** je godišnji finansijski izvještaj Stranke udruženih nezavisnih demokrata Bosne i Hercegovine za 2013. godinu.

**Cilj revizije** je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Stranka udruženih nezavisnih demokrata Bosne i Hercegovine u izvještajnom periodu postupala u skladu sa odredbama Zakona o finansiranju političkih stranaka.

**Obim revizije** finansijskog izvještaja stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Stranke udruženih nezavisnih demokrata Bosne i Hercegovine u periodu od 2008. do 2012. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2012. godinu, izdat je izvještaj o pregledu sa mišljenjem revizora, nalazima i preporukama stranci da uspostavi potpune evidencije o svim rashodima stranke, da finansijske izvještaje podnosi u formi koju je odobrila Centralna izborna komisija BiH i da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Stranka udruženih nezavisnih demokrata Bosne i Hercegovine nije ispoštovala date preporuke.

### 5. NALAZI REVIZIJE I PREPORUKE

#### 5.1. NALAZI

**a) Stranka udruženih nezavisnih demokrata Bosne i Hercegovine je prekršila odredbe člana 5. stav (4) Zakona o finansiranju političkih stranaka.**

Revizijom je utvrđeno da stranka licu koje je uplatilo članarinu u iznosu od 1.025,00 KM nije izdala potvrdu o prijemu članarine, čime je prekršila odredbe člana 5. stav (4) Zakona o finansiranju političkih stranaka i odredbe člana 6. stav (1) Pravilnika o godišnjim finansijskim izvještajima političkih stranaka.

**b) Stranka udruženih nezavisnih demokrata Bosne i Hercegovine je prekršila odredbe člana 11. i člana 12. stav (1) i stav (3) Zakona o finansiranju političkih stranaka.**

Na osnovu obavljene revizije, utvrđeno je da stranka nije evidentirala sve troškove u svojim poslovnim knjigama, te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

(1) Revizijom je utvrđeno je da su u 2013. godini izvršene isplate posmatračima u iznosu od 1.100,00 KM. Imajući u vidu da stranka nema zaposlena lica, odnosno nema sklopljene

ugovore o radu, navedene isplate sa poreskog aspekta imaju karakter ličnih primanja, te je imala obavezu da na isplate izvrši obračun poreza na dohodak i pripadajuće doprinose.

- (2) U obrascima 4 (Rashodi stranke) i 4.1 (Režijsko-administrativni i ostali troškovi) finansijskog izvještaja stranka nije iskazala troškove zakupa u iznosu od 396,00 KM čime je umanjila svoje troškove, što je suprotno odredbama člana 21 i 22. Pravilnika.

Uvidom u Ugovor o zakupu utvrđeno je da stranka koristi poslovni prostor u vlasništvu Općine Živinice čiji mjesečni zakup iznosi 33,00 KM, što na godišnjem nivou iznosi 396,00 KM. Navedeni trošak stranka nije evidentirala ni u svojim poslovnim knjigama.

## 5.2. PREPORUKE

*Preporučuje se Stranci udruženih nezavisnih demokrata Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da izdaje potvrde o prijemu članarina,*
- *da vodi tačne evidencije o svojim prihodima i rashodima,*
- *da finansijske izvještaje podnosi u formi koju je odobrila Centralna izborna komisija Bosne i Hercegovine, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka i*
- *da poštuje i druge propise, prevashodno poreske, iz kojih proističu dodatne obaveze i troškovi.*

*Takođe, se preporučuje:*

- *da isplate sredstava iz blagajne vrši na osnovu odgovarajuće dokumentacije<sup>1</sup>.*

### **KOMENTAR:**

Stranka udruženih nezavisnih demokrata Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2013. godinu.

Zahvaljujemo se ovlaštenoj osobi za finansijske izvještaje i angažovanom osoblju Stranke udruženih nezavisnih demokrata Bosne i Hercegovine na dobroj i korektnoj saradnji tokom obavljanja revizije finansijskog izvještaja.

Šef odsjeka za revizijske poslove

Sanja Tošović

Revizor

Veliborka Kenjić

Pomoćnik revizora

Anela Burdžović - Kapić

Šef Službe za reviziju

mr.sc. Hasida Gušić

---

<sup>1</sup> Stranka je putem blagajne izvršila isplatu računa za gorivo u iznosu od 50,02 KM bez odgovarajućeg računa.